

ԽԵԹԵՐԵՆԻ ՀԵՏՔԵՐ ՀԱՅԿԱԿԱՆ ԼԵՌՆԱՇԽԱՐՀԻ ԱՐԵՎԵԼՔՈՒՄ ԵՎ ՀԱՐԱՎ-ԱՐԵՎԵԼՔՈՒՄ

Արմեն Պետրոսյան

Մենք ոչինչ, կամ համարյա ոչինչ չգիտենք Հայկական լեռնաշխարհի հնագույն բնակիչների լեզուների մասին, բացի նրանց անվանաբանությունից, ավանդված սեպագիր, հիմնականում՝ ուրարտական աղբյուրներում: Մեր խնդրի համար հատկապես կարևոր և ցուցական են տեղանունները, քանի որ անվանաբանության մյուս տվյալները՝ օրինակ՝ անձնանուններն առավել քիչ են հայտնի և, ավելին, կարող են պատկանել այլ, ոչ տեղական կամ համեմատաբար ուշ ներգաղթած խմբերի: Պետք է նշվի նաև, որ եթե որևէ լեզվի պատկանող անունների գոյությունը ցուցական է այդ լեզվի ներկայության համար այդ տարածքում (գոնե՝ ինչ-որ ժամանակահատվածում), ապա այդպիսի անունների նույնիսկ փոքր քանակությունը չի կարող համարվել ժխտող փաստ (ինչպես որ ուշ խեթական անվանաբանության մեջ խեթական տարրն աննշան է)¹:

Վանա լճի արևելքը

Ուրարտական արևի աստծու անունը սովորաբար ներկայացվել է գաղափարագրով՝ *ḪUTU*^(S), և միայն չորս անգամ՝ վանկագրով՝ *Ši-ú-i-ni*, *Ši-i-ú-i-ni*, որը վաղուց ի վեր համադրվել է խուռիական արևի աստված *Šimige*-ի հետ²: Հայտնի է, որ ուրարտական դիցարանը չափազանց տարբեր է խուռիական պետությունների դիցարաններից³: Առավել ակնառու ընդհանրությունն է ամպրոպի և արևի աստվածների առաջատար դերը (ուրարտական դիցարանում սրանք հաջորդում են գերագույն աստված Խալդիին): Ուրարտական ամպրոպի աստված *Teišeba*-ն, ակնհայտորեն, խուռիական *Tešub*-ի զուգորդն է, որը կարող էր համարվել փաստարկ Շիվինիի և Շիմիգեի նույնականության համար: Սակայն, ինչպես բազմիցս շեշտվել է Ի. Դյակոնովի կողմից, այս դիցանունները չեն կարող դիտվել որպես մեկ ընդհանուր խուռա-ուրարտական նախատիպի անդրադարձներ, քանի որ՝ 1) խուռերենում և ուրարտերենում չկան *-m/-w-* համապատասխանության դեպքեր և 2) բնիկ ուրարտ. *Šiwinə*-ն պետք է վերածվեր *Šinə*-ի (հմմտ., օրինակ, խուռ. *šawal* «տարի» և ուրարտ. նույնիմաստ *šālə*): Ըստ այդմ, դրանք տարբեր բառեր են, և ուրարտ. *Šiwini*-ն պետք է խեթական փոխառություն լինի, հմմտ. խեթ. *šiu-* (*šiu-*, *šiu-na/i-*) «աստված» > «արևի աստված», հնդեվրոպական լուսավոր երկնքի աստծու **dyeu-* անունից⁴: Ինչնիցե, որոշ գիտնականներ շարունակում են

¹ Гамкрелидзе, Иванов 1984, 913.

² Friedrich 1940, 217 f.

³ Diakonoff 1981, 83.

⁴ Diakonoff 1971, 81, Дьяконов 1988, 172, 240.

ներկայացնել Շիվինիին որպես Շիմիգեի ուրարտական գուգորդ, ինչը խուռա- ուրարտական ընդհանուր ժառանգությունը շեշտելու մի արտահայտություն է⁵:

Հնդեվրոպական **dyeu*-ն *šiu*-ի է վերածվել միայն խեթերենում, հմմտ. նույնարմատ լուվերեն *Tiuat*-, պալայերեն *Tiyat*- «արևի աստված»: Խեթերը պաշտում էին արևի աստծուն փոխառված անունով՝ *Ištanu* (< իսաթ. *Eštan*): Ըստ Դյակոնովի, ուրարտ. Շիվինին փոխառվել է գրական խեթերենից տարբեր մի խեթական բարբառից, որտեղ պահպանվել էր արևի աստծու բնիկ անունը: Իսկ Վ. Իվանովի համաձայն, Շիվինին փոխառվել է խեթերենից հին, նախագրային դարաշրջանում, երբ *šiu*-ն նշանակում էր «արևի աստված» (նախքան այդ աստծու իսաթական անունը փոխառելը)⁶:

Շիվինիի և նրա կին Տուշպուեայի պաշտամունքի կենտրոնն էր Տուշպան, Ուրարտուի մայրաքաղաքը Վանա լճի արևելյան ափին (հմմտ. Վան քաղաքի շրջանի հայ. Տոսպ, սեռ. Տոսպայ անվանումը): Խեթական և պալայական առասպելներում արևը ծագում է ծովից: Այս հիման վրա կարծիք է հայտնվել, որ խեթերի հնագույն հայրենիքը պետք է գտնվեր Կասպից ծովի, կամ Ուրմիա և Վան լճերի ափերին, և Շիվինիի պաշտամունքը Վանա լճի արևելքում մատնացույց է անում խեթերի հնագույն հայրենիքի տեղադրությունը⁷:

Վանի շրջանի հայերի հին հավատալիքներում արևը ներկայացված որպես հուր մագերով և ոսկե գլխով մի պատանի, որը ծագում է արևելյան լեռներից և մայր մտնում Վանա լճի մեջ⁸: Սա հիշեցնում է (բայց նույնական չէ) արևի՝ ծովից ծագելու խեթական և պալայական առասպելաբանական պատկերացումը: Վանա լճի շրջանի հայկական անվանաբանության մեջ *Šiwini* անվան հայկականացված տարբերակը կարող էր պահպանված լինել X դ. հեղինակներ Թովմա Արծրունու և Հովհաննես Դրասխանակերտցու մոտ հիշվող Սեւան հնագույն ամրոցի անվան մեջ, հետագա թուրք. Մեյվան-կալա, Վանից մոտ 30 կմ արևելք (սեպագիր *š*-ն խեթերենում և ուրարտերենում սովորաբար ներկայացնում է *s* հնչյունը. Սեւան անվանաձևի համար հմմտ. իսեթ. *šiwanni* «աստվածային» բառը):

Վանա լճի էնդեմիկ ձկան հայերեն անվանումն է *տառեխ* կամ *տառեխ* (*Chalcalburnus tarichi*), որը սովորաբար օգտագործվում է աղ դրած վիճակում: Այդ անվանումը նույնական է հունարեն *tnrichos* «ծխեցրած ձուկ, մումիա» անհայտ ծագման տերմինին: Վերջինս համադրելի է հուն. *tarchō* «հանդիսավոր թաղում կատարել» բառին, որն անատոլիական փոխառություն է, կապված անատոլիական ամպրոպի աստծու՝ *Tarhu*-ի անվան հետ

⁵ Տե՛ս օրինակ Хачукян 1985, 48, 50, Salvini 1995, 39, 183 f.

⁶ Иванов 1980, 136, Гамкрелидзе, Иванов 1984, 897.

⁷ Иванов 1980, 136, Гамкрелидзе, Иванов 1984, 896. հմմտ. Steiner 1981, 189-193.

⁸ Սրվանձտյան 1978, 76-77, Աբեղյան 1975, 41-42, Հարությունյան 2000, 44 հուն.

(գաղափարն այն է, որ հանգուցյալին զմոսել և վերաբերվել են աստծու պես)⁹: Տեսականորեն չի բացառվում, որ *տառեհը* լիներ հնագույն մի բառ, փոխառված տեղական անատոլիական ենթաշերտից, թերևս երկրորդային կերպով նմանեցված հունարեն *tnrichos*-ին:

Ուրարտական պետության ձևավորմանը նախորդող դարաշրջանում Վանի շրջանը, ի հակադրություն Հայկական լեռնաշխարհի որոշ հյուսիսային տարածքների, հավանաբար, եղել է փոքր, համեմատաբար շարժական սոցիալական խմբերի տիրապետության տակ¹⁰: Խեցեղենի փոքրաքանակ օրինակները կապեր են ցուցադրում լեռնաշխարհի հյուսիսային տածքների հետ¹¹, իսկ ուրարտական հագուստի և զենքերի հնագույն ձևերը մոտ են խեթականներին¹²: Տուշպա-Վանը դարձել է Ուրարտուի մայրաքաղաք Սարգուրի I-ի դարաշրջանում (մ.թ.ա. շուրջ 835-824): Ուրարտացիները, այսինքն՝ ուրարտերենով խոսող ժողովուրդը, Վանի շրջան են եկել, հավանաբար, հարավից¹³: Ամենայն հավանականությամբ, նրանք չէին կարող բազմաքանակ լինել: Իսկ այդ տարածքի հետագա «ուրարտական» բնակչությունը մեծ մասամբ բերված էր Վանի արքաների կողմից իրենց էթնիկապես բազմատարր թագավորության տարբեր շրջաններից¹⁴:

Արևի աստվածը գլխավորում էր վաղ խեթական դիցարանը, իսկ Շիվինին հանդես է գալիս որպես Ուրարտուի մեծ աստվածների եռյակի երրորդ անդամ, Խալդիից և Թեյշեբայից հետո: Այս երկուսի պաշտամունքի կենտրոնները գտնվում էին լեռնաշխարհի ծայր հարավում, Ուրարտուի սահմաններից դուրս: Ավելին, Ուրարտուի մյուս կարևոր աստվածները նույնպես ծագում են նույն հարավային տարածքներից¹⁵: Այսպիսով, Շիվինին կարող էր լինել աստվածը Վանի շրջանի՝ խեթերին ազգակից տեղական բնակչության, որին տիրել էին հարավից եկած եկվորները:

*Urarṭ u-*ն Վանի թագավորության ասորեստանյան անվանումն է: Բուն ուրարտական արձանագրություններում այն կոչվում է *Bia(i)nili* (կարդալ՝ *Via(i)nelə*, *V(y)ānelə*¹⁶. ներկայացված է սովորաբար թեք հոլովաձևերով՝ *Biaina*, *Bianaidi*, *Biane*, *Biainaue*, են): Բիա(ի)լին, ամենայն հավանականությամբ, անվանումն էր թագավորության կենտրոնական շրջանի՝ Վան-Տուշպայի և մերձակայքի: Հայ. Վան տեղանունն ինքը ծագած է համարվում ուրարտական *V(y)ana-*ից¹⁷ (ուրարտ. սեպագիր *b-*ն համապատասխանում է *v-*ին): *Via(i)nelə*-ի

⁹ Այս բառերի վերաբերյալ տես ՀԱԲ IV, 377, DELG 1094, 1095, Nagy 1990, 131 ff., 139, n. 70. Иванов 1990: 6:

¹⁰ Sevin 2003, 196, Sevin 2004, 188.

¹¹ Zimansky 2001, 18.

¹² Пуотровскии 1962, 29.

¹³ Мелукишвили 1947, Пуотровскии 1959, 43 сл., Арутюнян 1970, 17.

¹⁴ Zimansky 1995, Zimansky 2001, Zimansky and Stone 2003.

¹⁵ Grekyan 2006, 172 ff.

¹⁶ Хачикян 1985, 38, 134.

¹⁷ Տես օրինակ Хачикян 1985, 134, КУКН, 501.

հնարավոր մի մեկնաբանությունը կարող է լինել «*Viaine*-ներ» / «*Viāne*-ներ» (հոգնակի *-li* ցուցիչով)¹⁸: Ոչ մի հիմք չկա ասելու, որ *Bia(i)nili*-ն եղել է ուրարտացիների ինքնանվանումը (ըստ Դյակոնովի, նրանք իրենց կոչել են *Šuri*, հոգնակի՝ *Šuri-li*)¹⁹: Այսպիսով, Բիահինիլին կարող էր լինել Վանի շրջանի անվանումը լճի արևելյան շրջանի ոչ ուրարտական տեղաբնիկների լեզվում:

Կան բազմաթիվ հավանական զուգահեռներ ուրարտական տեղանունների և հին Փոքր Ասիայի խեթական տեղանունների միջև²⁰: Դրանք մասամբ կարող էին ծագել ընդհանուր ոչ-խեթական ենթաշերտից, բայց դրանց մի մասը կարող է ստուգաբանվել խեթական հիմքերով²¹: Վանի շրջանի հյուսիսը՝ այսինքն՝ Վանա լճի հյուսիս-արևելյան ափերը, այն է, թե Գնունի գավառը վաղ միջնադարում եղել է արքայական մատովակների՝ Գնունի իշխանական տոհմի տիրույթը (այս շրջանը հայտնի է եղել որպես գինեգործության կարևոր կենտրոն): Այս տոհմանուն/տեղանունը ծագում է հայ. *գինի* բառից, *-ունի* ածանցով՝ *Գինի-ունի* > *Գնունի* (Խորենացի Բ.Ը): Համապատասխանաբար, *Bia(i)ni-li*-ն /*Viayne*-, *Viāne*-/ կարելի է դիտել որպես խեթ. *wiyana* «խաղողի» ուրարտական հաղորդումը, *-li* հոգնակերտով, որպես՝ «Գինու երկիր»²² (ուրարտերենում վերջին ձայնավորը դառնում է *ə* և հաղորդվում որպես *i/e*, և խեթ. *wiyana*-ն իրոք կարող էր ներկայացվել որպես *biani/e*): Այս տարածքների մեկ այլ բնութագրական խեթական տեղանուն կարող է լինել *Arma*-ն (հիշված Այանիսից գտնված մի բուլլայում)²³, նույնական խեթա-լուվական *arma*- «լուսին, լուսնաստված» տերմինին²⁴: Այսպիսով, Վանի շրջանում կարող էին պահպանված լինել խեթական երեք կարևոր

¹⁸ Այլ կերպ մեկնաբանվում է որպես «*Vya*-ներ(-ի երկիր)» (սեռականի *-ey* ցուցիչով, կոռելատիվ *ni* մասնիկով և հոգնակերտ *-li*-ով):

¹⁹ Տե՛ս օրինակ Diakonoff 1992, 53.

²⁰ Օրինակ, Anzalia – Anziliya; Armaṭeunie – Armatana; Arduru – Arduka, Arduna, Arduša; Bia(i)nili – Wiyali, Wiyanaawanta, Wiyantana; Bitai – Pitaša; Dilizia – Tilipziya; Duain – Tuwana; Kallania – Kalaniya; Parra – Paraya; Ula – Ulaša (առաջինը ներկայացված են ուրարտական անվանումները. նկատենք, որ խեթական ուղղագրության մեջ *b*, *d*, *g* և *p*, *t*, *k* հնչյունները չեն տարբերակվում). Ուրարտական տեղանունները բերվում են ըստ TY, KYKH և Salvini 2001, խեթականները՝ ըստ OGHT.

²¹ Օրինակ, Alli – *alli-ya* «մի թոչուն, աղավնի», Bitai – *pida* «տեղ», Parra – *para/u* «դուրս, հեռու», Šakkanu – *šekan* «թիզ», Šumattar – *š(a)ummatar* - ? (երբեմն համեմատվում է հնդ. *soma-dhara*, *soma-dhāri* բառերի հետ).

²² Բիահինիլի այս մեկնաբանությունը տես Ս. Պետրոսյան 1999, 188.

²³ Salvini 2001, 284, ֆո. 15. այս տեղանունը կարող է կրճատ մի ձև լինել (հմմտ. Armaṭeunie քաղաքանունը, Salvini 2001, 257).

²⁴ Պետք է նկատել, որ *Arma* և *Armaṭeunie* անվանումները ավանդված են ուշ ուրարտական դարաշրջանից (մ.թ.ա. VII դ.) և կարող են ծագել ուրարտական արքաների կողմից այստեղ բերված արևմտյան՝ անատոլիական բնակչության լեզուներից, Դրանցից երկուսը՝ (տես Salvini 2001, 257) կարող են վկայել նման հնարավորության մասին՝ *Našiehina* – հմմտ. խեթ. *našili* «խեթերեն լեզու» և *Luianihina* – «լուվական» (?).

աստվածների՝ արևի աստված *Šiw*-ի, լուսնի աստված *Arma*-ի և ամպրոպի աստված *Tarhu*-ի հիշատակները:

Սևան և Արարատյան դաշտ

Հայկական լեռնաշխարհի արևելքում սկզբնապես Սեւան է կոչվել Գեղամա (ներկայումս՝ Սևան) լճի կղզին և նրա վրայի անմատչելի ամրոցը: Հետագայում այդ անվանումը տարածվել է ողջ լճի վրա: Այն նույնպես կարելի է դիտել արևի՝ ծովից ծագելու խեթական առասպելի համատեքստում: *Սեւան* ձևը անբաժանելի է թվում *Սիւնիք* (= *Սեւնիք*) «Սիւնիներ/Սեւնիներ» նահանգի անվանումից²⁵: Այս նահանգը ներառում էր Սևանա լիճը, նրա լեռնային մերձակայքը և հարավը մինչև Արաքս գետը (ներկայիս Գեղարքունիք, Վայոց ձոր և Սյունիք մարզերը): Սյունիքից արևելք գտնվող Արցախ նահանգը, որը էթնիկապես և պատմությամբ կապված է եղել Սյունիքի հետ, այլ կերպ կոչվել է «Փոքր Սյունիք»:

Հատկանշական է, որ Սյունիքը եղել է արևի հետ կապված տեղանունների կենտրոնացման մի վայր, օրինակ՝

Արեգունի (կամ՝ *Արեւիք*) – լեռնաշղթա Սևանա լճի հյուսիս-արևելքում և համապատասխան գավառը,

Արեւիս (Արեւիքի հայց. հոգն. ձևը) – գյուղ Սիսիանում և գավառ Սևանա լճի հարավում,

Արեւիսաբակ – գյուղ լճի հարավ-արևելքում,

Արեւիք – Սյունիքի ամենահարավային գավառը և լեռնաշղթա. գավառը կոչվել է նաև *Արեւեաց տուն*²⁶:

Ցեղանվան տեսք ունեցող հոգնակի *Արեւիք*, *Արեւիս*, *Արեւեաց (տուն)* անվանումները, որոնք կարող են մեկնաբանվել որպես «արևյանների, արևցիների երկիր/տուն» ցույց են տալիս, որ այս շրջանի բնակիչները ինչ-որ կերպ կապված են համարվել արևի հետ: Հետաքրքիր է, որ Արևիս գյուղի մոտ գտնված ուրարտական արձանագրության մեջ անհասկանալի համատեքստում հիշվում է արևի աստվածը (*ṚUTU*)²⁷ և հնարավոր է, որ այս տեղանքը նվիրված է եղել արևի աստծուն արդեն հնագույն ժամանակներից: Արեւ-ը, որպես անձնանուն, Սյունիքի իշխանական տոհմում ավանդված է հայ

²⁵ Ալիշան 1893, 6. հայերենում *եւ/իւ* հերթագայության համար հմմտ. *ալեւր/ալիւր*, *գեւդ/գիւդ*, *աղբեւր/աղբիւր* զուգահեռ ձևերը,

²⁶ Տեղանունները և նրանց տեղայնացումները ներկայացվում են ըստ ՀՏԲ I. հոգնակերտ *ք*-ով և դրանց հայցական *ս*-ով ձևերը հաճախ ծագում են ցեղանուններից (հմմտ. Հայք «Հայաստան», Վիրք «Վրաստան» ևն. նույնիսկ պատմական ժամանակներում Սյունիքի և հարակից շրջանների հայերը առանձին ազգագրական խումբ էին կազմում): Սյունիքից հայտնի են նաև այլ նույնատիպ տեղանուններ, օրինակ, Արեւաբուլ, Արեւիկ ևն:

²⁷ KYKH № 411, հակառակ երես 21.

գրերի ստեղծման դարաշրջանից (V դ.). մի շարք նույնարմատ անձնանուններ՝ Արեւիկ, Արեւիատ ևն, նույնպես կենտրոնացած են Սյունիքում²⁸:

Միւնիք և Մեւան անվանումները չունեն ընդունված ստուգաբանություններ: Ասվածը ցույց է տալիս, որ Միւնիքը, ամենայն հավանականությամբ, *Siw-n-* «արևի աստված» անվան մի ածանցյալն է (**Se/iw-n-iyā*, հնդեվրոպական *-iyā* ածանցով, որը շատ տարածված է հայկական տեղանուններում): Սյունիքը նշանակում է «սյունեցիների ցեղ և երկիր», որը, պետք է կարծել, թարգմանվել է հայերեն որպես Արեւիք «արևյանների ցեղ և երկիր»:

Սևանա լճի էնդեմիկ ձուկը կոչվում է իշխան (*Salmo ischan*): Այս բառը վաղուց ի վեր հանգեցվել է խեթական *išha-*, *ešha-* «տեր, իշխան» տերմինին²⁹: (սեպագիր *h = x*): Վերջինս ծագել է, հավանաբար, կրոնական լեզվից և հաճախ կիրառվել է աստվածների, այդ թվում՝ նաև արևի աստծու վերաբերյալ (հմմտ. օրինակ, *^pUTU-e išha-mi handanza hannešnaš išhaš* «արևի աստված, իմ տեր, դատի արդար տեր»)³⁰: Այսպիսով, Սևանի շրջանում *Մեւան* և *իշխան* անվանումները, հավանաբար, անդրադրված են խեթական սկզբնական *šiu-* & *išha-* («արևի աստված+իշխան/տեր») բանաձևի:

Ուշ բաբելական ավանդույթում Ուրարտուն հիշվում է որպես *Uraš u* (օրինակ, Դարեհ I-ի բեհիստունյան արձանագրության աքաղական տարբերակում): Այս ձևը պահպանված է համարվում Վանա լճի հարավ-արևելյան Ռշտունիք գավառի անվանման մեջ³¹: Խորենացին, պատմելով հայկական իշխանական տների ծագման մասին (Բ.Ը), ասում է, որ պատմել են, թե Ռշտունիները ծագում են Սյունիքի տոհմից («ի Սիսականէն արդարեւ հատուած»): Չի բացառվում, որ այս ժողովրդական ծննդաբանությունը արտացոլում է Վանի շրջանի և Սյունիքի հին բնակչության էթնիկ կապերի փաստը:

Մեւան և Միւնիք անվանումներն ավանդված չեն ուրարտական աղբյուրներում: Այնուամենայնիվ, հնարավոր է, որ խեթերին ազգակից այս արևապաշտները բնակվել են տարածաշրջանում արդեն նախաուրարտական ժամանակներից: Կան հավանական զուգահեռներ Սևանի ուրարտական և

²⁸ ՀԱՆԲ, s.v.v.

²⁹ Հեդինակավոր գիտնականները առավել հավանական են համարել այս բառերի իրանական ծագումը, հմմտ. ավեստ. նույնիմաստ *xša(y)-* (ՀԱԲ s.v., Ղափանցյան 1961, 204-205, Greppin 1982, Ջահուկյան 1987, 319, 526, HED s.v., այս հարցի վերաբերյալ մի հետաքրքիր բանավեճ տես և Drews 2001, 79-80). Ինչնից, Լ. Հովհաննիսյանը (1990, 224-225), *իշխեմ* և *իշխան* բառերի մանրամասն քննության հիման վրա եզրակացնում է, որ նրանց խեթական, կամ խեթականին ազգակից ծագումը առավել հավանական է: Ի թիվս այլ փաստարկների, նա շեշտում է, որ իրանական *xš-*ն հայերենում արտացոլվել է միայն որպես *ašx-*, իսկ այս բառերը միակն են սկզբնական *իշխ-* տարրով:

³⁰ HED II, 385, 390.

³¹ Пуотровскому 1944, 31.

Փոքր Ասիայի խեթական տեղանունների միջև³², և կան տեղանուններ, որոնք կարող են ստուգաբանվել խեթերենով³³ (դա, իհարկե, չի բացառում այլալեզու ցեղերի գոյությունը այս տարածքներում)³⁴: Ներկայացնենք միայն մեկ օրինակ. Սևանի «մյուս ափին» հիշվում է *Piruai* երկիրը³⁵: Այն, ակնհայտորեն, կարող է կապվել խեթական ձիավոր աստված Պիրվայի անվան հետ³⁶ (*-ini* վերջավորությունը բնորոշ է Սևանի «մյուս ափի» տեղանուններին):

Հնարավոր է, որ խեթական այս լեզվի կամ բարբառների կրողները տարածված լինեին նաև Հայկական լեռնաշխարհի հյուսիս-արևելյան այլ շրջաններում ևս: Ակնհայտ խեթական տեսք ունի հայոց առաջին մայրաքաղաքի՝ Արմավիրի անվանումը (Արարատյան դաշտում): Այն ավանդված է միայն հետուրարտական ժամանակներից, բայց պետք է որ շատ հին լինի (ուրարտական ժամանակներում Արմավիրը մտել է Արգիշթի I-ի կառուցած Արգիշթիխինիլի մեջ, կազմելով նրա արևելյան հատվածը): Հին **Armawira*-ի առաջին մասի համար հմմտ. *Arma*- «լուսին, լուսնաստված», հայտնի խեթերենում, լուվերենում, հիեթոգլիֆային լուվերենում, լիկիերենում ու լիդիերենում: Երկրորդ մասը համադրելի է խեթ. *pir* / *per*, լիդ. *bira*, «տուն», կրոնական ոլորտում՝ «աստծու տուն, տաճար» բառերին³⁷, որտեղ *b/p*-ն այդ

³² Օրինակ, Alzirani – Alzi; Ariaini – Ariyati, Ariyanta; Elaini – Ellaya, Ilaya; Kamanu – Kam(m)ana (անտիկ Comana); Qu'albani – Kuwalapaša, Kuwaliya; Piruaini – Piruaši, Piruašuwa; Šanatu – Šanatiya; Teriani – Teriyaka, Teriyahatana; Teriuišaini – Taruiša (հաճախ նույնացվում է Տրոյայի հետ); Uhini – Uhiuwa.

³³ Օրինակ, Ariaini – *arriya* «լվալ», Elaini – *ila(n)* «աստիճան», Ešumua – հմմտ. *-muwa* տարրը խեթական անվանաբանության մեջ, Guriani – «դաշտ», Qu'albani (= Quawalwani) – *ku(e)luwana* «լվալու տեղ, թաս», Šanatuaini – *šanatta* «չկառուցված», *šanattaya*, *šanatti* (?), *tuwa* «հեռու», Teriani – *terya* «երրորդ», Ueliku-ni/hi – *uelku* «խոտ», Uhini – *uhhi* – «նայել, տեսնել», ևն (Ešumua-ի այս մեկնաբանությունը տես Կարագյոզյան 1998, 211, Ueliku-ni/hi-ի մեկ այլ մեկնաբանություն՝ Пемросян 2002, 86 сл.): Ի միջի այլոց, Վանի շրջանի Qilbani անվանումը կարող է ներկայացնել Qu'albani-ի մի աղավաղված տարբերակը (այստեղ բերված Սևանի շրջանից գաղթածների կողմից ?):

³⁴ Հետաքրքիր է, որ այստեղ կարելի է գտնել որոշ խուրիական տեղանուններ, օրինակ, Azameruni – հմմտ. խուր. *azammi* «արձան», *azamarule*?, Tarzuaini – *taršuwani* (= *tarzuwani*) «մարդկություն» (համարյա նույնական Ուրմիա լճից հարավ գտնվող Tarzu'ana-ni-ին), Šuliqu – *zulki*? (խուրիերեն բառերը բերվում են ըստ GLH).

³⁵ КΥΚΗ № 389, ΥΚΗ, 329, нр.м.7, Salvini 2002, 56, n. 93 (այս տեղանվան առաջին նշանը վնասված է. հնարավոր է նաև *Turuaini* ընթերցումը, բայց մասնագետները առաջին հերթին ներկայացնում են *Piruai* ձևը).

³⁶ Այս աստծու վերաբերյալ տես Haas 1994, 412 ff. Պիրվայի որոշ բնութագրեր հիշեցնում են հնդեվրոպական ամպրոպի աստված **Peru-no*-յին, և նա համարվել ռուսական Պերունի խեթական զուգորդը, տես Иванов 1958, 110, Гамкрелидзе и Иванов 1984, 546: *Piruai*-ն պետք է որ գտնվեր հետագա Արցախ/ Փոքր Սյունիք նահանգի տարածքում, և հատկանշական է, որ Արցախը հայտնի է եղել իր ձիերով, իսկ Սյունիքը՝ այրուձիով:

³⁷ Հ. Կարագյոզյանը, այս անվան երկրորդ մասը համեմատելով թրակ. *bria* քաղաք՝ բառի հետ (ընդ որում, կապված խեթ. *pir*-ի հետ), ողջ անվանումը համարում է թրակյան, տես Карагезян

դիրքում կանոնավոր կերպով վերածվել է *w*-ի (*b/p > w* արտասանությունը բնորոշ է հին արևելափոքրասիական լեզուներին, այդ թվում՝ ուրարտերենին ու հայերենին, իսկ անատոլիականներից՝ լիդիերենին)³⁸։ Ընդ որում, մյուս անատոլիական լեզուներում այս արմատը հանդես է գալիս շատ տարբեր ձևերով՝ լուվ. *parna-*, լիկ. **prnna-*, այսինքն՝ անունը չի կարող, ասենք, լուվիական լինել։

Արմավիրի՝ «լուսնաստծու տուն/տաճար» մեկնաբանության համար ներկայացնենք հետևյալ փաստարկները։ Ըստ ավանդության (Խորենացի Ա.Ժբ. Մեբեոս Ա), քաղաքը հիմնել է Հայկի թոռ Ար(ա)մայիսը։ Այս անունը չի մեկնաբանվում հայերենով։ Ակնհայտորեն նույնական *Armais* անունը, հունական հաղորդմամբ, հայտնի Արևմտյան Փոքր Ասիայից՝ Լիկիայից,³⁹ համարվում է կապված անատոլիական լուսնաստծու հետ։ Հատկանշական է, որ լուսնաստվածը, որպես այդպիսին, հայոց հին ավանդույթում հիշվում է միայն Արմավիրի առնչությամբ՝ հայոց լեգենդար արքա Վաղարշակը «մեհեան շինեալ յԱրմաւիր՝ անդրիս հաստատէ արեգական և լուսնի և իւրոց նախնեացն» (Խորենացի Բ.ը)։ Հետագայում Արմավիրի արևի և լուսնի աստվածները նույնացվում են հունական Ապոլոնի և Արտեմիսի հետ (Խորենացի Բ.Ժբ)։ Խորենացու տեղեկությունների մանրամասն քննությունը ցույց է տալիս, որ արևի տաճարը պետք է գտնվեր Արմավիրի բլրի հարավային ստորոտին⁴⁰։ Իսկ լուսնի արձանը կամ այն ներառող տաճարը կարող էր լինել բլրի վրա (ըստ Հայկ Հակոբյանի դիտարկման, անձնական)։ Անվան երկրորդ մասի՝ «տուն (= տաճար)» մեկնաբանության համար հմնտ. Խորենացու տեղեկությունը՝ Արամայիսը կառուցում է Արմավիրը որպես իր «տուն բնակութեան»։ Արմավիրի բլրի լանջին բացահայտվում է նախաուրարտական դարաշրջանի մի տաճարային համալիր⁴¹։ Այն կարող էր նվիրված լինել լուսնաստծուն, որի անունով էլ պիտի կոչվեր և բլուրը և հետագայում նրա վրա և շուրջը ձևավորված քաղաքը։

Եզրակացություն

Կարելի է ենթադրել, որ Վանից մինչև Արարատյան դաշտ և Սևան ընկած շրջանների նախաուրարտական բնակչության որոշ խմբեր, ունեցել են անատոլիական՝ իտեթերին ազգակից ծագում։ Մ.թ.ա. երկրորդ հազարամյակի ընթացքում Հայկական լեռնաշխարհի որոշ արևմտյան շրջաններ, ինչպես Ալզի, Իսուվա և Հայասա-Ացցի երկրները, ի տարբերություն արևելյան

1981: 225: Իրականում, Արմավիրի վերջավորությունը հնարավոր չէ հանգեցնել *bria*-ին, իսկ առաջին բաղադրիչն ակնհայտ անատոլիական տեսք ունի։

³⁸ Хойбек 1980: 319.

³⁹ Հայ և լիկիական անունների համեմատությունը տես Ջահուկյան 1981: 53. նույն անունը հայտնի է և հունա-եգիպտական ավանդույթում, որի վերաբերյալ, այս առնչությամբ, տես Петросян 2002: 83, 108, 196:

⁴⁰ Тревер 1953, 104-106.

⁴¹ Карапетян, Хачатрян, Канецян 2004: 268-274.

շրջանների, եղել են խեթական նշանակալի ազդեցության ներքո: Սակայն, արևելյան շրջանների այս ցեղերը տարբերակվում են Փոքր Ասիայի խեթերից և կարող են կոչվել «արևելյան խեթեր» (*Šiw-* «արևի աստված» դիցանունը, որն անհետացել էր արդեն նախագրային խեթերենում և արևմտյան շրջանների հետ հնագիտական կապերի բացակայությունը ցույց են տալիս, որ նրանք չէին կարող գաղթած լինել արևմուտքից): Նրանց՝ խեթերենին ազգակից բարբառը կամ բարբառները կարող էին լինել հայերենում որոշ անատոլիական փոխառությունների աղբյուրը⁴²: Ավելին, այդ բարբառները կարող էին ձևավորել որոշ հայկական բարբառների արտասանական հիմքը⁴³:

ՀԱՊԱՎՈՒՄՆԵՐ

ՀԱԲ	Աճառյան, Հ. <i>Հայերեն արմատական բառարան</i> . հհ. 1-4. Երևան, 1971-1979.
ՀԱնԲ	Աճառյան, Հ. <i>Հայոց անձնանունների բառարան</i> . հհ. 1-5. Երևան, 1942-1962.
ՀՏԲ	Հակոբյան, Թ, Մելիք-Բախշյան, Ս., Բարսեղյան, Հ. <i>Հայաստանի և հարակից շրջանների տեղանունների բառարան</i> . հհ. 1-5. Երևան, 1986-2000.
DELG	Chantraine, P. <i>Dictionnaire etymologique de la langue grecque</i> . Vol. I-IV. Paris 1968-80.
GLH	Laroche, E. <i>Glossaire de la langue hourite. Revue hittite et assyriologique</i> . T. XXXIV-XXXV. Paris, 1976-77.

⁴² Հայերենում խեթական փոխառությունների վերաբերյալ տես Ջահուկյան 1987, 312 հոտն., գրականությամբ.

⁴³ Խեթական ուղղագրության մեջ չկա ձայնեղ և խուլ բաղաձայնների (ասենք, դ-ի և տ-ի) տարբերակում. տարբերվում են պարզ և կրկնակի բաղաձայնները (օրինակ, տ-ն տտ-ից), որոնք կարող են մեկնաբանվել, ասենք, որպես պարզ և շնչեղ խուլեր (տես օրինակ Watkins 2004, 555): Ղարաբաղ/Սյունիքի, Շամախու, Նախիջևանի, Պարսկահայքի, Մարաղայի, Խոյի և Վանի բարբառները, որոնք ընդգրկել են մի լայնածավալ տարածք Կասպից ծովից մինչև Ուրմիա և Վան լճերը, այսինքն, Հայկական լեռնաշխարհի արևելյան և հարավ-արևելյան շրջանները, իրենց բաղաձայնային կազմով որոշակիորեն համադրելի են խեթերենի հետ՝ նրանցում ձայնեղ բաղաձայնները դարձել են խուլեր, որոնք հակադրվում են շնչեղ խուլերին (օրինակ, տ-ն թ-ին), իսկ ձայնեղների հանդես գալը պայմանավորված է դիրքով, տես օրինակ Աճառյան 1951, 331 հոտն.: Ժամանակին կարծում էին, թե Վանի բարբառը պահպանել է ուրարտական արտասանությունը, բայց դա այդ պես չէ՝ ուրարտերենում առկա են բաղաձայնների երեք շարքեր, համադրելի դասական հայերենին (օրինակ, գ, կ, ք): Դյակոնովի ուշ գաղափարի համաձայն (Дьяконов 1983, 174 сл., прим. 78), Վանի բարբառի արտասանական հիմքը կարող էր ծագել խուրերենից (որի ուղղագրությունը նման է խեթերենին, իսկ բաղաձայնների կազմի վերաբերյալ տես Wilhelm 2004: 98-99), բայց դա միանգամայն անհավանական է: Ինչու՞ պիտի Ուրարտուի կենտրոնի՝ Վանի շրջանի բնակչությունը խոսեր խուրերեն (որն, ի միջի այլոց, արդեն անհետացել էր մի քանի դար առաջ) և ոչ ուրարտերեն: Եվ եթե այդպես է, ապա հիշյալ մյուս բարբառների ենթաշերտը նույնպես չի խուռական է եղել: Պետք նշել նաև, որ հայկական բարբառների հնչյունաբանության մեջ հին ենթաշերտի դերը վարկածային է՝ հայ բարբառագիտության մեջ նշված բաղաձայնային առանձնահատկությունը սովորաբար համարվում է ձևավորված ուշ, միջնադարում:

HED	Puhvel, J. <i>Hittite Etymological Dictionary: Trends in Linguistics</i> . Berlin, New York, 1984-.
OGHT	Del Monte, G. F. und Tischler, J. <i>Die Orts- und Gewässernamen der hethitischen Texte</i> . Wiesbaden, 1978.
ԿՄԿՈ	Արությունյան, Ն.Վ. <i>Корпус ураартских клинообразных надписей</i> . Ереван, 2001.
ԿՄ	Արությունյան, Ն.Վ. <i>Топонимика Урарту</i> . Ереван, 1985.
ԿՄՈ	Меликишвили, Г.А. <i>Урартские клинообразные надписи</i> . Москва, 1960.

ԳՐԱԿԱՆՈՒԹՅՈՒՆ

- Աբեղյան, Ս. 1975. *Երկեր*. հ. 7. Երևան:
- Աճառյան, Հ. *Հայոց լեզվի պատմություն*. հ. 2. Երևան:
- Կարազյոզյան, Հ. 1998. *Սեպագիր տեղանուններ*. Երևան:
- Հարությունյան, Ս.Բ. 2000. *Հայ առասպելաբանություն*. Բեյրութ:
- Հմայակյան, Ս.Գ. 1990. *Վանի թագավորության պետական կրոնը*. Երևան:
- Հովհաննիսյան, Լ.Շ. 1990. *Հայերենի իրանական փոխառությունները*. Երևան:
- Ղանալանյան, Ա.Տ. 1969. *Ավանդապատում*. Երևան:
- Ղափանցյան, Գ. 1961. *Հայոց լեզվի պատմություն*. Երևան:
- Պետրոսյան, Ս. 1999. Գնունի նախարարական տոհմի և զինու պաշտամունքի շուրջ. *Պատմա-բանասիրական հանդես*, 2-3, 174-189.
- Ջահուկյան, Գ. 1981. Մովսես Խորենացու «Հայոց պատմության» առաջին գրքի անձնանունների լեզվական աղբյուրները. *Պատմա-բանասիրական հանդես*, 3:
- Ջահուկյան, Գ. 1987. *Հայոց լեզվի պատմություն. նախագրային ժամանակաշրջան*. Երևան:
- Սրվանձտյանց, Գ. 1978. *Երկեր*. հ. 1. Երևան:
- Çilingiroğlu, A. and Salvini, M. 2001. *Ayanis I. Ten Years Excavations at Rusahinili Eiduri-kai*. Roma.
- Diakonoff, I. M. 1971. *Hurrisch und urartisch*. Mönchen.
- Diakonoff, I. M. 1981. Evidence on the Ethnic Division of the Hurrians. *Studies on the Civilization and Culture of the Hurrians. In Honor of E. R. Lacheman*. Winona Lake, Indiana: 77-89.
- Diakonoff, I. M. 1992. First Evidence of the Proto-Armenian Language in Eastern Anatolia. *Annual of Armenian Linguistics*. Vol. 13: 51-54.
- Drews R. (ed.) 2001. *Greater Anatolia and the Indo-Hittite Language Family*. Journal of Indo-European Studies Monograph 38. Washington D.C.
- Friedrich, J. 1940. Aus verschiedenen Keilschriftsprachen. 1-2. *Orientalia* IX: 205-218.
- Grekyan Y.H. The Will of Menua and the Gods of Urartu. *Aramazd: Armenian journal of Near Eastern Studies*. 1, 2006: 150-195.
- Greppin, J. A. 1982. A Note on Arm. išxan 'Ruler.' *Annual of Armenian Linguistics*: 57-59.
- Nagy, G. 1990. *Greek Mythology and Poetics*. Ithaca and London.
- Salvini, M. 1995. *Geschichte und Kultur der Urartier*. Darmstadt.
- Salvini, M. 2001. The Inscriptions of Ayanis (Rusahinili Eiduru=Kai). Cuneiform and Hieroglyphic. In: Çilingiroğlu, A. and Salvini 2001: 251-319.
- Salvini, M. 2002. The Historical Geography of the Sevan Region in the Urartian Period. The North Eastern Frontier. *Urartians and non-Urartians in the Sevan Lake Basin*. Roma.
- Sevin, V. 2003. The Early Iron Age in the Van Region. *Archaeology in the Borderlands. Investigations in Caucasia and Beyond*. Los Angeles: 185-196.

- Sevin, V. 2004. Pastoral Tribes and Early Settlements of the Van Region. *Ancient Near Eastern Studies. Supplement 12. A View From the Highlands. Archaeological Studies in Honour of Charles Burney*. Leuven and Dudley, MA: 179-203.
- Steiner, I. 1981. Hittites and Hattians in Anatolia at the Beginning of the Second Millenium B.C. *Journal of Indo- European Studies*. Vol. 9. 1981, No 1-2: 183-213.
- Watkins, C. 2004. Hittite. *The Cambridge Encyclopedia of the World's Ancient Languages*. Cambridge: 551-575.
- Wilhelm, G. Hurrian. *The Cambridge Encyclopedia of the World's Ancient Languages*. Cambridge: 95-118.
- Zimansky, P. 1995. Urartian Material Culture as State Assemblage: An Anomaly in the Archaeology of Empire. *Bulletin of American School of Research*, 299-300: 103-115.
- Zimansky, P. 2001. Archaeological Inquires into Ethno-Linguistic Diversity in Urartu. In: Drews 2001: 5-27.
- Zimansky, P. and Stone, E.C. 2003. Recent Excavations at Urartian Fortress of Ayanis. *Archaeology in the Borderlands. Investigations in Caucasia and Beyond*. Los Angeles: 213-228.
- Арутюнян, Н.В. 1970. *Биа́йнили*. Ереван.
- Дьяконов, И.М. 1983. К праистории армянского языка. *Պատմա-բանասիրական հանդես*, 4: 149-178.
- Дьяконов, И.М. 1988. О некоторых направлениях в урартском языкознании и новых урартских текстах. *Древний Восток*, 5, Ереван: 133-180.
- Гамкрелидзе, Т. В., Иванов, В. В. 1984. *Индоевропейский язык и индоевропейцы*. Т. I-II. Тбилиси.
- Иванов, В.В. 1958. К этимологии балтийского и славянского названий бога грома. *Вопросы славянского языкознания*, 3: 101-111.
- Иванов, В.В. 1980. Анатолийские языки. *Древние языки Малой Азии*. Москва: 129-160.
- Иванов, В.В. 1990. Реконструкция структуры символики и семантики индоевропейского погребального обряда. *Исследования в области балто-славянской духовной культуры. Погребальный обряд*. Москва: 5-11.
- Капанцян, Г.А. 1956. *Историко-лингвистические работы*. Т. I. Ереван.
- Карагезян, О.О. 1981. Фракийцы на юго-западе Армянского нагорья. *Պատմա-բանասիրական հանդես*, 1981, N 1.
- Карапետян, И., Хачатрян, Ж., Канецян, А. 2004. Доурартский Армавир. *Պատմա-բանասիրական հանդես*, 2.
- Меликишвили, Г.А. 1947. К вопросу о древнейшем очаге урартских племен. *Вестник древней истории*, 4.
- Петросян, А.Е. *Армянский эпос и мифология*. Ереван.
- Пиотровский, Б.Б. 1944. *Урарту*. Ереван.
- Пиотровский, Б.Б. 1959. *Ванское царство*. Москва.
- Пиотровский, Б.Б. 1962. *Искусство Урарту*. Ленинград.
- Тревер, К.В. 1953. *Очерки по истории культуры древней Армении*. Москва, Ленинград.
- Хачикян, М.Х. 1985. *Хурритский и урартский языки*. Ереван.